



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 61. Renatus Benedictus in Universitatis Parisiensis Decanum electus.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul. XVI.
A. C. 1599.

teri omnes mense Septembri huic operi postremam admovent manus, moxque Parisiensis Senatus emendationis articulos ab eis propositos firmabat, quos tamen non nisi anno millesimo sexcentesimo die decima octava Septembris Jacobus Augustus Thuanius Præses, Lazarus Coquelæus, & Eduardus Mole Parisiensis Senatus Consultarii in Comitibus Universitatis publicis fecerunt, his tamen articulis plurimæ sacræ Facultatis Theologicæ statutis subsequenter annis, præcipue vero millesimo sexcentesimo decimo octavo, vigesimo octavo, & septuagesimo quinto addita, atque innovata fuere.

§. LXI.

Renatus Benedictus in Universitate Parisiensis Decanum electus.

*Argentorati.
Vid. Hist.
Eccles. l.
CLXXIV.
§. VIII. &
seq.*

Cum eodem hoc anno Dionysius Comus sacræ Facultatis Decanus mortalitatem exuisset, Renatus Benedictus sancti Eustachii Parochus juris antiquitatis ad hanc dignitatem vocabatur: quoniam vero hic idem, uti supra sæpius memoravimus, non modo errores in sua Bibliorum versione notatos retractare renuerat, sed insuper in sacræ Facultatis contemptum eandem versionem apologia edita calumniis, & mendaciis referta sparserat, hancque

Sæcul. XVI.
A. C. 1599.

ob causam jam dudum a Facultate exclusus erat, hinc eadem illum emolumentis privare, atque ad gradus ei in Facultate destinatos admittere recusabat: attamen cum ab Henrico IV., cui semper favebat, anno millesimo quingentesimo nonagesimo tertio Medunta evocatus eundem Regem in fidei Catholicæ præceptis imbuisset, necnon ipsius ejurationi in templo sancti Dionysii præsens ad cives Parisienses in Regis obsequium reducendos præclaram navasset operam, atque ab eodem Rege Henrico Trecensis in Campania Episcopus nominatus esset, hinc perpensis hinc rationibus Facultas Renatum, quamvis hic summo Pontifice literas Apostolicas ad hunc Episcopatum denegante nunquam sua sede potiri valuerit, ad sacræ tamen Facultatis Decanatum admittere censuit, potissimum ex ea ratione, quod ipsius Biblia jamjam a Doctoribus Lovaniensibus ab erroribus expurgata, necnon a pluribus Theologiæ Doctoribus Parisiis approbata fuissent.

§. LXII.

Octo Articuli Renato propositi, atque eosdem subscribere jussus.

Priusquam Renatus Decani munus adiret, Facultas apud Sorbonam congregata hoc anno die secunda Aprilis

ab